

Izjava: Visoki predstavnik pozdravio je ocjenu o napretku BiH ka članstvu u Partnerstvu za mir

Visoki predstavnik pozdravio je ocjenu o napretku Bosne i Hercegovine ka članstvu u Partnerstvu za mir koju su dali ministri vanjskih poslova zemalja članica NATO-a na sastanku održanom jučer u Vilniusu u Litvaniji, naglasivši da se radi o veoma značajnom i ohrabrujućem odgovoru. Visoki predstavnik rekao je kako ovakva ocjena ostavlja mogućnost da se dođe do konačnog ishoda koji žele svi građani BiH.

“Ova ocjena potvrdila je činjenicu da se problem nesaradnje sa Haškim tribunalom postepeno rješava, i da je sve primjetniji novi, konstruktivni angažman u rješavanju ovog pitanja”, izjavio je danas visoki predstavnik.

“NATO savez još jednom je potvrdio pozitivno mišljenje u vezi sa učešćem BiH u Partnerstvu za mir, što je prvi korak na putu ka punom članstvu u NATO-u, ali BiH pravo zeleno svjetlo može dobiti samo kada se u potpunosti okonča proces saradnje sa Haškim tribunalom”, dodao je visoki predstavnik.

Na današnjoj konferenciji za štampu generalni sekretar NATO-a Jaap de Hoop Scheffer posebno je naglasio da je saradnja sa Haškim tribunalom intenzivirana, ali je također istaknuo da još uvijek postoji velika prepreka zbog činjenice da Radovan Karadžić i Ratko Mladić još uvijek nisu izručeni u Hag.

“NATO uviđa da se BiH sada kreće u pravom pravcu; zbog toga je od suštinskog značaja da proces dovedemo do samog kraja. Cilj

je već na vidiku, i građani BiH žele što prije dosegnuti taj cilj. Njihovi izabrani predstavnici su ti koji moraju osigurati da građani ne budu razočarani", rekao je visoki predstavnik.